



TOSHKENT DAVLAT YURIDIK UNIVERSITETI REKTORINING B U Y R U G ' I

26.06.2023

375-tm-son

Talabaga hayfsan e'lon qilish to'g'risida

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi va boshqa ichki hujjatlarni buzish holatlari kuzatilmoqda.

Jumladan, universitetning Xalqaro huquq va qiyosiy huquqshunoslik fakulteti 3-kurs (Grodno) talabasi Aglayeva Sitorabonu Ilhomovna va 2-kurs talabasi Axunova Diyora Ulug'bek qizi TDYU 3-sonli Talabalar turar joyining 110-xonasida birga istiqomat qilishgan bo'lib, 2023-yil 8-iyun kuni soat taxminan 21:30 da S.Aglayeva va D.Axunovalar xona tozaligi bo'yicha o'zaro janjallashishgan va natijada bir-birlariga nisbatan hurmatsizlik qilishgan.

Talaba D.Axunova o'z tushuntirish xatida xonadoshi S.Aglayeva tomonidan "ko'rmaganinni ko'rgani qursin, senga non tuz berganman, kechalari yo'q bo'lib qolib buzuq ishlar, foxishalik qilib kelasan, sassiqsan, tarbiyasizsan, sening aybing bu ota-onang yo'qligi" deb haqorat qilganligini qayd etgan.

Talaba S.Aglayeva o'z tushuntirish xatida xonadoshi D.Axunova xonani toza tutmasligi, telefonda o'g'il bolalar bilan ko'p gaplashib xonadoshlarining tinchini buzishi, yotoqxonaga o'g'il bolaning kiyimlarini olib kelib yuvishi, ayrim vaqtlari yotoqxonaga kelmasligi, xonani yig'ishtir deganida o'zim bilaman, xohlagan paytim yig'ishtiraman, xohlamasam yig'ishtirmayman, deb xurmatsizlik qilganini qayd etgan.

Talabalar S.Aglayeva va D.Axunovalar mazkur harakatlari bilan TDYU Odob-axloq kodeksi 18-moddasi 2-xatboshisi (xodim va talabalar o'zaro munosabatlarda inson qadr-qimmatiga hurmatsizlik, shaxsiyatni kamsitish, o'zganing intellektual mulkini o'zlashtirib olish, qo'pollik, behayo so'zlar ishlatish, mushtlashish qat'iyman man etiladi) 27-moddasi a-kichik bandi 17-xatboshisi (Talabalar turar joyi Ichki tartib qoidasiga qat'iy rioya qilish) talablarini buzgan.

Yuqoridagilarni inobatga olgan holda Oliy ta'lim to'g'risidagi nizom

(ro'yxat raqami 1222, 2003-yil 22-fevral) 51-bandi, Toshkent davlat yuridik universiteti Odob-axloq kodeksining 18-moddasi 2-xatboshisi va 27-moddasi a-kichik bandi 17-xatboshisi hamda universitetning Ichki tartib qoidalari (ichki mehnat tartibi qoidalari) 83-bandiga asosan

BUYURAMAN:

1.Universitet Odob-axloq kodeksi 18-moddasi 2-xatboshisi va 27-moddasi a-kichik bandi 17-xatboshisi talablarini buzganligi uchun universitetning Xalqaro huquq va qiyosiy huquqshunoslik fakulteti 3-kurs (Grodno) talabasi Aglayeva Sitorabonu Ilhomovna va 2-kurs talabasi Axunova Diyora Ulug'bek qiziga hayfsan e'lon qilinsin.

2.Fakultet dekanlari (Sh.Saydullayev, D.Kamalova, B.Musayev, D.Umarxanova, A.Babadjanov) mazkur buyruq bilan universitet talabalarini tanishtirsin.

3. Fakultet dekani (D.Umarxanova):

mazkur holat takror sodir etilsa, talabalarni talabalar safidan chetlashtirish mumkinligi to'g'risida ogohlantirsin;

mazkur talabalarning shaxsiy hujjatlar yig'majildiga buyruq nusxalari tikilishini ta'minlasin.

4.Mazkur buyruq bajarilishini nazorat qilish prorektor A.Hashimxonov zimmasiga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

D.UMARXANOVA

**Kelishildi:**

Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Direktor

SH.PO'LOTOV



Katta yuriskonsult

A.TURSUNOV

